

## STARFSREGLUR OG FRAMKVÆMD

Sveinsprófsnefnd ber ábyrgð á prófpáttalýsingu, skilgreiningu á vægi prófpátta og framkvæmd sveinsprófa.

## KYNNING FYRIR PRÓFTÖKUM

Sveinsprófsnefnd heldur kynningu á framkvæmd og starfsreglum sveinsprófs viku fyrir prófdag. Sveinsprófin eru tvískipt: Á lokaönn (í apríl 2 vikur) 30% vægi. Seinni hluti sveinsprófs (í maí-júní 2 dagar) 70% vægi. Þar fá væntanlegir próftakar upplýsingar sem snerta sveinsprófið og geta þá lagt fyrir spurningar um þau atriði sem þeim eru óljós. Sýna skal dæmi um próf á kynningunni. Próftakar skulu minntir á að notkun farsíma er óheimil á prófstað svo og önnur samskipti út fyrir próftökustað að viðlögðum brottrekstri.

## PRÓFSTAÐUR

Verklegi og skriflegi hluti sveinsprófs í bifreiðasmíði fer fram eftir atvikum á viðeigandi stað sem uppfyllir kröfur um aðstöðu og búnað. Sveinsprófstaki fær bréf með nánari upplýsingum um próftökustað eigi síðar en þremur vikum fyrir prófdag.

## AÐSTAÐA

Til að leysa verkefni í sveinsprófi í bifreiðasmíði þarf próftaki að hafa aðgang að viðeigandi verkfærum og búnaði samkvæmt tækjalista hverju sinni. Próftakar eiga að taka með sér til prófs skriffæri, hlífðarfatnað og vera í öryggisskóm. Sveinsprófsnefnd hafi tekið út aðstöðu og metið að prófaðstaðan sé fullnægjandi. ÍÐAN fræðslusetur og forsvarsmenn staðar þar sem prófið fer fram hafa gert með sér samning um afnot sveinsprófsnefnda af húsnæði fyrir sveinsprófin. ÍÐAN upplýsir próftaka um hvernig slysatryggingu er háttáð á prófstað meðan próf stendur yfir.

*Sveinsprófsnefndarmenn eru þeir einu sem hafa heimild til að vera viðstaddir í prófi nema annað sé ákveðið fyrir fram og ber þá að upplýsa próftaka sérstaklega.*

## PRÓFÞÆTTIR OG VÆGI

Sveinsprófsnefnd gerir prófþáttalýsingu fyrir hvert sveinspróf þar sem fram kemur hvaða viðfangsefni eru tekin til prófs og sundurliðaðar kröfur, annars vegar um þekkingu og hins vegar getu próftaka í að leysa viðfangsefni sveinsprófsins. Sveinsprófsnefndin setur sér sömuleiðis vinnureglur um framkvæmd sveinsprófs innan þeirra marka sem koma fram í þessari handbók og reglugerð um sveinspróf í löggiltum iðngreinum. Vægi prófþátta sveinsprófs í bifreiðasmíði skiptist þannig: Hönnun og smíði. Verkefni unnið á lokaönn 30%. (Hanna ákveðið stykki, teikna það og smíða.) Seinni hluti sveinsprófs 70% með mismikið vægi (verklegt, skriflegt, tölva). Verklegi hluti prófsins skiptist í 6–8 hluta með mismunandi vægi sem kynnt er nánar við upphaf prófs. Próftaki verður að ná einkunninni 5,0 úr hverjum hluta.

**Lágmarksárangur í hverjum prófþætti er a.m.k. einkunnin 5, þ.e.a.s. að 45% - 54% markmiða sé náð.**

## SKRIFLEGT PRÓF

Skriflega prófið samanstendur af fjölvalsspurningum. Við val á spurningum er leitast við að hafa sem mesta breidd í efnisvali og að þær endurspegli markmið og tilgang námsins.

## VERKLEGT PRÓF

Verklega prófið hefst á fyrir fram ákveðnum tíma sem hefur verið kynntur próftökum með fyrirvara og stendur hver verkþáttur prófsins yfir tiltekinn fjölda klukkustunda.

Gert er ráð fyrir hæfilegu hádegishléi alla dagana. Önnur hlé á meðan prófið stendur yfir eru samkvæmt ákvörðun prófnefndar. Próftaki skilar verkefni sínu þannig að það uppfylli skilyrði sem kynnt hafa verið hverju sinni.

Verklega prófið skiptist í eftirfarandi verkþætti sem eru eftir atvikum prófaðir með verklegri úrlausn, lýsingu á viðfangsefninu eða með skriflegri niðurstöðu:

- Hönnun (teikna/málsetja, smíða, klæða) mismunandi suðupættir teknir fyrir – 30%
- Réttling + fylling – 20%
- Réttlingabekkur (bíll í bekk, mæling) – 15%
- Plastviðgerð (suða/greining) – 15%
- Tjónamat, cabas – 10%
- Rafbúnaður; (ljósastilling, tengill) virkni – 5%
- Skriflegar spurningar með jafnt vægi – 5%

## EINKUNNAGJÖF

Einkunn 10 vísar til þess að	95% - 100% markmiða var náð
Einkunn 9 vísar til þess að	85% - 94% markmiða var náð
Einkunn 8 vísar til þess að	75% - 84% markmiða var náð
Einkunn 7 vísar til þess að	65% - 74% markmiða var náð
Einkunn 6 vísar til þess að	55% - 64% markmiða var náð
Einkunn 5 vísar til þess að	45% - 54% markmiða var náð
Einkunn 4 vísar til þess að	35% - 44% markmiða var náð
Einkunn 3 vísar til þess að	25% - 34% markmiða var náð
Einkunn 2 vísar til þess að	15% - 24% markmiða var náð
Einkunn 1 vísar til þess að	0% - 14% markmiða var náð

## SKIL Á EINKUNNUM OG PRÓFSÝNING

Formenn sveinsprófsnefnda skila einkunnum á sveinsprófi til IÐUNNAR ekki seinna en 10 dögum eftir að sveinsprófi lýkur. Próftakar fá niðurstöður sveinsprófa, sveinsbréfabókin, afhenta eigi síðar en 24 dögum eftir að prófið hefur verið haldið. *Ekki verða veittar upplýsingar um gengi próftaka í prófinu í síma, munnlega eða eftir öðrum leiðum fyrir þann tíma.*

Strax að loknu verklegu prófi fer prófsýningin fram og sveinsprófstaki er upplýstur skriflega um hvort hann hafi náð sveinsprófi eða ekki. Nánari sundurliðun á einkunn liggur ekki fyrir á þeim tíma.

Úrlausnir skulu vera tilbúnar eigi síðar en fjórum vikum eftir prófdag. Sveinsprófstaki getur óskað eftir nánari skýringum á prófverkefninu. Endurtaka er aðeins leyfð á næsta haustannar- eða vorannarprófi.

Sveinsprófsnefnd ber ábyrgð á að sveinsprófsverkefni sé varðveitt með ákveðnum hætti, s.s. eins og með mynd eða öðrum sannanlegum hætti. Öðrum skriflegum úrlausnum skal eytt á tryggilegan hátt að þeim tíma liðnum og er sveinsprófsnefnd ábyrg fyrir þeirri framkvæmd.

## ALMENNAR REGLUR

- Próftaki skal mæta til prófs á réttum tíma. Minnst 15 mín. fyrir próf.
- Próftaki má hafa með sér gögn og verkfæri sem eru gefin upp í upplýsingabréfi.
- Þurfi próftaki að yfirgefa prófsvæðið á meðan próf stendur yfir skal það gert í samráði við prófdómara.
- Ef próftaki mætir 15 mín. of seint í próf getur hann átt á hættu að vera vísað frá prófi.
- Ef um veikindi er að ræða í verklegu prófi verður viðkomandi sveinsprófstaki að bíða þar til næsta próf verður í boði.
- Ef fyrir liggur staðfesting frá viðkomandi framhaldsskóla um námsörðugleika sveinsprófstaka fær hann viðbótartíma. Hámark 30 mín. með undantekningum.
- Prófnefnd getur ákveðið að taka tillit til greindra námsörðugleika um úrlausn skriflegs prófs m.a. með því að próftexti sé lesinn með próftaka.

Ef próftaki segist haldinn prófkvíða skal hafa samband vegna þessa við starfs- og námsráðgjafa hjá IÐUNNI fræðslusetri við skráningu í sveinspróf.

*Þessar upplýsingar eru birtar með fyrirvara um breytingar.*